

Domat/Ems - Trun:

Ils 12 da matg vein giu da serender a Domat per nies emprem giug, cun quei che vein stuiu tuschar quel dall'emprema runda. Atgnamein vess il giug encunter Domat/Ems giu d'entscheiver allas 9.00. Suentar ditg telefonar vi e neu cul capitani da Domat, vein entschiet ils giugs allas 13.15. Vein dau tuttas quatter ensemen, aschia che sai bu dir bia dils giugs, vesevel mo dalunsch ils punct. Tgei che sai denton dir ei che l'aura era bu ideala pil tennis. Ei sufflava ch'ils bals mavan tut uiersch ed era freid che quasi neginas han tratg o il limer da mongia liunga. Para che las da Domat ein vegni a frida meglier cullas cundiziuns ed ellas han recaltgau 3 dils 4 puncts els singuls. Era tiel dubel eri aunc adina freid e forsa aunc intec dapli vent. La Jahzel e la Nadia han bu dumignau il dubel dus, la Manuela ed jeu vein denton dau tut per prender silmeins dus puncts a casa. El tierz set menavan nus 9:3 e schau prender suenter sin 9:8. Tut che tremblava (intec dil freid ed intec dil gnervus), mo la Manuela ha manteniu la gnarva e fatg il 10:8. Ledas da ver fatg silmeins 2 puncts vein survegniu Fleischkäse e salata en tegia dil club, che vess tenor nies gust astgau esser scaldada intec meglier. Fetgel aunc in cordial beinvegni alla Jahzel Casanova ed alla Annastasia Wolf en nossa equipa. Fa plascher che vus deis cun nus.